

八瓊室金石補正

八瓊室金石補正卷二十七

男 繼輝校錄

太倉陸增祥撰

吳興劉承幹覆校

隋四

和彥造象記

刻佛座及左側高一寸五分廣四寸五分側廣三寸三分入行行二字三字字徑六分正書

大業四年四月世日和彥爲亡兒善行造觀世音像一

區

張貳息君卿遂記

刻佛座高一寸六分正面廣六寸八分十二行側一寸六分三行行四字字徑三分正書

大業四年八月十五日佛弟子張貳息君卿爲亡夫高
洪但敬造雙觀音像一區上爲 皇帝陛下後及師僧
父母即顙亡過見存背□含識同登妙果

補訪碑錄謂在正定而不見於常山貞石志或爲
人攜去邪貳即貳背不可識疑是普字

正議大夫甯贊碑

高三尺七寸五分廣二尺四寸三十行行三十九字
字徑五分碑額中穿圓徑二寸一分左右題甯越郡
欽江縣正議大夫之碑四行行
三字字徑八分許正書在欽州

竊以太暉之末兮顙夷之邦唐琳之餘爲管魯之國邵
公思室賦棠棣之詩辛有哀本悲被髮之異故枝流葉

後自結貞筠之祿宗子維城各理封壤之邑故竊相甯
渝傳以玉之名甯喜甯戚紆遺芳之哲公匡衡在輔無
忘士薦之工從而能政追蹤子范之用所以繁衍陵穆
盤根閭越者哉公諱贊字翔威冀州臨潁人也公惠好
自研齊并擢之德歲誠和誘同孟明之溫僞藩進賢常
吟雅頌肅嚴愛善宮壚之美祖遠馳千載仁風擁六奇
高辯警加木鐸訓悅過遑梁武帝除芝州刺史揔督
九州諸軍事陳宣武皇帝又除授安州刺史父猛力德
貫神皇氣衝牛斗典祀政事隋會無聞卒乘輅睦先毅
懷讓文皇帝除使持節開府儀同三司安州諸軍事安

州刺史宋壽縣開國侯兄長真包山岳之志掞雲霞之襟行應管鍾義通泉涌賽惟本土刺舉家判節盡中朝風純面海帝揆上儀同三司欽州刺史立功於國効加官賞尋進上開府儀同三司欽江縣開國公食邑一千戶軒車薄伐不馬專心又爲行軍總管言旋荷載猶席會之獨清勲人司門類武安之奉詔仍轉上大將軍其年改右光祿大夫甯越郡太守爵名暴塞成似珽超之官職撫膺閭道若淮陰之封以昔方今盛哉而已公履端器量增萬頃之測含韜縱容踰四學之勩開皇十四年帝以公衣冠子肩遠來入朝既秉誠心宜升戎祿授

大都督厚贈纁繒徧加享祀以公長榆之變李氏弱乎
區今細柳之擒徐侯反存無策南史交趾之川北靖蒼
梧之野仁壽二年詔公兄弟逮宏宣揚國化嗣位牧民
撫甯蕃部宜加榮祿用優恒典增上儀同三司到大業
二年帝以公驟從戎踐克著嘉庸拜上儀同三司餘官
如故公沉神惟悵覽羊祜之謀脩脩備繕完規滅宣之度
披曷三略之精麾師九圍之勇雲梯再起象驤興維兄
及弟陳兵林邑推鋒振旅以先啓行前茅慮無中權後
勁浮青雀以泛白波權赤馬以排綠浪弄軾相臨雲橫
百陣靡旆摩壘有許伯之雄折馘掉鞅摸攝并之勢故

得卧彼鼓旗投衡拔旂困獸猶闕鋪船新墉之江出綬
隨緣之海賊艦千乘公舟二十旭旦懺交湫霄未心公
築運在標摧以樓舡五鷁徧師擻隊得潰彼豺狼爭舟
指胡芟夷揅滅盡殪凶佞獻捷鏐地馬伏波慙色以顏
獲神納俘檀和之愧乎其道公巡歷三軍皆如挾纘聲
播百官咸佈斯茂大業二年十月馳謁承明躬親延闕
乃吳開府儀同三司即其年改爲正議大夫公刑儀斑
越子張非其人容襲簪裾陸機失其侶柳蒲早炸風燭
易選觀閔既多靈芝是乏蘊以大業四年歲□戊辰正
月十九日终于私宅春秋卅有五嗚呼哀哉樹絕大夫

之陰營息將軍之号市停三日悲盈□邦大息嗣并于
终于始唯明唯孝大業五年歸齋哥密松連盖疎楊迥
吟言念君子其銘云尔

火紀承宗相土師農生民厥始社稷根蹤鳳凰垂翼幽
都受封支傳帝業祠纂高龍棠陰理頌周□□祐令美
閩越德隆蕃邳仁鏡長明智花恒啓遊藝自依多能脩
體文著馬鞭行崇基堦義水泚□□泚建國興邦
純守邊壘威流五嶺勇振三湘臨瀟粉溢昭穆邱長惟
開策運樓移勢章梯衝雲□□衝月光旗影飛地劒抱
皇芒烽連柳塞陣合魚陽舟移鶴轉權動蘭芳董蒲葉

盡秦糜廩張朝稱□□野号賢良卿士唯相暴輿是佳
搖落衰變原隰孤平似蓋樹委如樓鼓橫悲悽罷谷衰
慘松聲□□□從終傳令傳名

大業五年四月

關

按隋正議大夫寧贇碑銘凡一千一百三十四字魚
驪興句興上原脫一字銘末句終傳令名令下衍一

傳字

旁有三點

碑下左方石損共闕十三字年月下闕二

三字餘皆完整道光十二年廣東高廉道仁和許公
乃濟得於所屬之欽州寄示拓本碑爲南刻書則北
宗猶存漢碑之式粵東石墨此最晚出實爲最先翁

氏阮氏金石略皆未載補而冠之可爲後來居上矣
世本甯氏出自衛武公子季疊食采於甯因以爲氏
春秋成二年傳杜註甯相甯俞子襄三十五年傳九
世之卿族杜註甯氏出衛武公至喜九世元和姓纂
季疊弟頃生跪跪孫速速生俞俞生殖殖生喜九世
卿族齊有甯戚此碑以相俞爲昆玉而先相世次勞
矣甯戚甯喜時地不同且喜罪昭然何遺芳之有約
舉諸甯而錯序之不可爲典要也甯贊之名正史未
見贊父猛力見令狐熙傳兄長真見劉方傳南蠻林
邑傳北史隋書並同祖遼梁定州刺史陳安州刺史

元和姓纂梁愛州刺史甯達居欽州達與達形似而
譌梁定州隋鬱州鬱林郡安州隋欽州甯越郡愛州
隋九真郡地皆相近達在梁時刺定州亦刺愛州姓
纂之甯達卽此碑之甯達也隋書令狐熙傳開皇中
上以嶺南夷越數爲反亂徵拜桂州總管十七州諸
軍事刺史以下官得承制補授熙至部大宏恩信時
有甯猛力與陳後主同日生自言貌有貴相在陳日
已據南海平陳後高祖因而撫之卽拜安州刺史驕
倨恃其險阻未嘗參謁熙手書諭之申以交友之分
其母有疾遣以藥物猛力感之詣府請謁不敢爲非

熙以州縣多有同名者奏改安州爲欽州欽州改於
開皇中猛力正刺其地姓纂以爲梁甯達居欽州者
因其後昆而追繫之梁無欽州也劉方傳授驩州道
行軍總管經略林邑方遣欽州刺史甯長真驩州刺
史李暈上開府秦雄以步騎出越常方親率舟師趣
北竟大業元年正月軍至海口林邑王梵志遣兵守
險方擊走之次闍黎江既度賊乘巨象四面而至方
射象象中瘡卻蹂其陣王師力戰俘馘萬計濟區粟
度北史作區栗進至大緣江賊據柵又破之逕馬援銅柱
南行八日至其國都梵志奔城奔海獲其廟主金人

汗其宮室刻石紀功而還南蠻林邑傳林邑之先因
漢末交趾徵側之亂區連殺縣令自號爲王無子甥
范熊代立熊子逸無子日南人范文自立其後范佛
宋交州刺史檀和之將兵擊之深入其境

事具宋書
南史宗慤

傳至梁陳亦通使往來高祖平陳乃獻方物後朝貢

遂絕羣臣言林邑多奇寶仁壽末遣大將軍劉方爲
驩州道行軍總管率欽州刺史甯長真擊之其王梵
志率徒乘巨象而戰方多掘小坑草覆其上挑戰僞
北梵志逐之至坑而陷縱擊大破之弃城而走方入
其都獲其廟主十八枚

隋書誤作牧今
從北史作枚

皆鑄金爲之

蓋其有國十八葉矣碑稱猛力長真勳代並與史合
林邑之役實行在行間足補李魏二史所未備碑引馬
伏波檀和之皆征蠻前事經略林邑劉方傳詳水戰
南蠻傳詳陸戰碑則約而兼之其云獻捷鐫地獲神
納俘即史所稱獲其廟主刻石紀功也隋地理志甯
越郡梁置安州開皇十八年改曰欽州統縣六欽江
舊置宋壽郡平陳郡廢開皇十八年改曰欽江大業
初置甯越郡又百官志正議大夫與開府儀同三司
舊秩皆四品煬帝即位多所改革以開府儀同三司
爲從一品同漢魏之制實受散職四品故改爲正議

大夫則知開府儀同爲從一品乃改於大業二年史
與碑可互證贊說文分別也从虤對爭貝讀若迴胡
畎切虤虎怒也五閑切贊字許徐異音蓋古从貝聲
今从虤聲耳爾雅釋獸贊有力贊爲獸名文選魏都
賦蒹葭贊則兼怒生爭別之義翔威命名取諸雅訓
固有父風者矣碑文竊作竊邦作邦棣作掾哀作衰
壇作墀溜作湍牆作墟父作父輯作輯淵作淵翰作
翰備作脩旅作旅寇作寇宵作霄撲作撲仰作仰遷
作遷靈作靈儵作儵陞作陞邊作邊並沿南北朝別
體太皞作太皞皋皞字通魚麗作魚驪折馘作折馘

柳蒲董蒲皆作蒲秦麋作秦麋乃偏旁通借羊祜作
羊祜誤晉書祜本傳荊州人爲祜諱名屋室皆以門
爲稱改戶曹爲辭曹祜名从示古聲故書多有誤爲
祜者不得引碑爲證也

金石續編

右甯贊碑碑首有穿向是漢人遺制碑云冀州臨
淄人隋書地志臨淄屬青州北海郡不屬冀州信
都郡舊置冀州臨淄無割隸信都之文信都屬縣
亦無改名臨淄之文殊不可解猛力封宋壽縣侯
宋壽即欽江隋書地志欽江舊置宋壽郡平陳郡
廢開皇十八年改曰欽江據碑知平陳之後郡廢

爲縣猛力之封在開皇十八年前也從而能政政
疑改之譌星作呈褰帷帷帳幟交帷開從巾之字
皆作小秉作秉秩作祆前作前偏師作徧其餘從
禾之字亦皆作禾稷作稷其餘從禾之字亦多作
禾隰作隰皆別體至甯俞作渝叔向作嚮緬海作
面從容作縱摧鋒作推瘁作焮理訟作頌漁陽作
魚尙合六書通假之旨臨牆粉溢粉當即芬字前
跋未及

西山觀造象二段

在縣州

黃法噉題記

高七寸五分前列象龕後幅廣四寸五分五行行八字字徑七分正書有方界

格

大業六年太歲庚午十二月廿八日三洞道士黃法瞰
奉爲存亡二世敬造天尊像一龕供養

右造象在歸州西山觀蜀中隋刻廟此與後一種造

象武進吳實甫大令

特徵

訪得之茲撫墨本箸錄以

志古緣

劉喜海三
巴香古志

文託生母題記

高四寸五分廣九寸七分十
行行四字正書有方界格

大業十年正月八日

女弟子文託生母爲兒託生造天

尊像一龕願生長壽子福沾存亡恩被五道供養

文稱文託生母不箸姓氏六朝造象多釋氏語今此

二種皆天尊象亦所罕見

三巴香古志

陳叔毅脩夫子廟碑

大業七年七月二日
萃編載卷四十

以我爲令

缺以字

禮器碑稱韓明府景君碑云伏惟明府漢唯太守稱
府君亦稱明府此碑叔毅除曲阜縣令亦稱明府異
乎前之稱矣末書濟州秀才前汝南郡主簿仲孝俊
作文新唐書杜正倫傳隋重舉秀才天下不十人而
正倫一門三秀才孝俊亦當在十人之列

平津讀碑記

孔氏祖庭廣記載三十二代嗣哲隋應制登科授
涇州司兵參軍遷太子通事舍人大業四年改封

紹聖侯十二年授吳郡主簿據碑則受封時已爲
吳郡主簿廣記誤也慙作哲亦小異碑末子歎下
泐三字上二字似是監脩筆蹤尙可辨識

治平寺王以成題字

裝本字徑六寸五分
許分書在蘇州今亡

大隋大業七丰辛未歲七月甲申朔二日乙酉造邑主
王以成

右隋塔盤隸書廿四字姚東樵云塔在蘇州上方山
寺盤圍一丈八尺字徑六寸前人皆未集錄乾隆癸
卯歲燬于火塔雖重建而此刻遂亡因縮摹以存其

制金索

隋上方山寺王以成題記八分書按上方山古謂之橫山寺名楞伽爲宋寶積治平二寺今止存治平此刻未見前人箸錄近時金石家謂文刻於塔盤誤乃刻於井口之圓石版因譌爲盤耳

程祖慶吳郡金石目

右治平寺井闌題字乾隆間寺燬於火此刻已亡己巳夏有以此冊求售者直昂不能得錄其文而還之

李君晉造像記

高一尺廣一尺二寸五分十二行
行十字字徑六分正書方界格

大隋大業七年歲在辛未九月癸未朔廿四日丙午李
君晉爲亡妻敬造阿彌陀像一部資益亡者遠離三塗
超登彼岸常聞正法又願見存父母眷屬恒蒙福祐當
來見在值善值佛上額皇帝陛下臣僚百官下及羣
類含生同沾斯福

南无阿彌陀佛觀世音菩薩大勢至菩薩

巧言爲辯此又變巧爲巧塗作塗祐作祐蠹作蠹
勢作勢

左武衛大將軍尉吳公女李氏墓誌

高一尺四寸廣一尺三寸六分廿三行行廿四字
字徑四分第十八行及末行無字正書方界格

大隋左武衛大將軍吳公李氏女墓誌文

女郎姓尉字富娘河南洛陽人吳公之第三女也曾祖
兕周柱國太保公祖經周柱國少傅大司空吳國公父
安 皇朝左光祿大夫左武衛大將軍洪源與積石爭
流應葉與鄧林俱茂德葉有光於千祀軒冕不替乎一
時女郎生處金穴長白蘭閨婦德未教而已成女工頗
習而皆備紉組彌閑姿色溫柔南國羞其桃李骨像端
麗西子謝其姝妍每念母勞深知父一年猶稚齒卓尔
不群溫弥勤昏晨匪懈庭訓嚴闈房雍肅既而家同萬
石產擬四豪琮寶盈堂玼腴必備女郎志希儉率但慕

慈悲經戒之所弗虧施捨於焉相續方用配君子能爲
女師而與善憑虛浮生不固掩然遺疾砭石不痊以大
業十一年五月十三日終於京宅春秋一十有八仍以
其月十七日窆於京兆郡長安縣龍首鄉興臺里母氏
痛盛年之无匹悲處女之未笄雖在幽媾婚歸於李氏
共罕无交同穴在斯嗚呼哀哉貞桂消亡更无花采春
蘭萎落永失芬芳遂使臺上吹簫唯聞采玉隴頭看月
獨見恒蛾反窺之香无由可值更生之草何處相逢陵
谷易遷招魂豈識塋隧方泯祭醑難知寄以雕刊傳之
不朽乃爲銘曰

嵩岳鎮地洛水浮天宗枝永遠世緒蟬聯鍾斯係踵公
侯在旃載予斯育圖盡膺焉稚齒鍾愛傾城遠傳梁昇
曉日水映披蓮孝敬无竝閑柔孰先曹文惠誠斑扇慙
篇清潔持躬閨房靜謐外語弗聞內言甯出鳥意滌髓
勤工縻裘浮生弗永墜露甯遲鈇華邈沒砭石終欺郊
門景落松途風悲薤虛撮奠柳去空帷夜臺方掩无復
歸期

右尉吳公李氏女富娘墓誌大業十一年五月立
近在西安出土癸酉夏袁裕文自陝攜拓本來云
爲山左顛者以重直輦去矣亟購而讀之碑標題

云大隋左武衛大將軍吳公李氏女墓誌文首云
女郎姓尉字富娘下有云痛盛年之无匹悲寡女
之未笄雖在幽媾婚歸於李氏共罕无癸同穴在
斯是富娘未嫁而死死而葬於其夫李氏之冢也
書李氏著有家也未成爲婦故仍從父之義繫以
父官而曰女也雖事非禮典可爲碑誌文字之例
也漢相府小史夏堪碑云娉會謝氏并靈柩古命
有之仲尼何恠是未嫁蚤隕歸葬於夫氏漢已有
之矣誌敘先世云曾祖兜周柱國太保公祖綱周
柱國少傅大司空吳國公父安皇朝左光祿大夫

左武衛大將軍案綱即尉遲綱也北史北周書皆有傳其父其子皆附見於傳中北周書綱字婆羅蜀國公迥之弟世宗即位進位柱國大將軍武成元年進封吳國公保定元年拜少傅俄而授大司空二年出爲陝州總管卒贈太保同州刺史謚曰武弟三子安以嫡嗣大象末位至柱國北史云入隋歷鴻臚卿左衛大將軍又弟三子作弟二子餘同又北周書尉遲迥傳云字薄居羅代人也其先魏之別種號尉遲部因而姓焉父俟兜尙太祖姊昌樂大長公主生迥及綱北史云武成初追贈柱

國大將軍太傅長樂郡公諡曰定餘同北周書唐
立尉遲迴廟碑所述亦然又魏書官氏志西方尉
遲氏後改爲尉氏通志氏族略尉遲氏與後魏同
起號尉遲部如中華之諸侯國孝文改爲尉遲氏
與魏書異按元和姓纂八未有尉氏八物又有尉
遲氏尉氏條云河南官氏志北方尉遲部如中華
諸侯也魏孝文改爲尉氏尉托奇枝爲廂汗莫賀
弗六代孫後周長公侯兜生迴綱綱後周大司空
吳國公生遲安允安允安生耆福唐庫部員外尉
遲氏條云與後魏同起號尉遲部如中華之諸侯

至孝文時改爲尉遲氏又云河南洛陽後有托哥拔五代孫乙紇豆生侯兜祐兜樂生迴綱安允迴周太師大司馬蜀公生寬順安隋鴻臚卿生耆壽綱大司空吳生運運盧國公允生壽庫部員外是或爲尉氏或爲尉遲氏唐時已傳述各殊今讀此誌知隋時只單稱尉氏蓋始改尉遲部爲尉遲氏繼改尉遲氏爲尉氏孝文時代人咸改單姓惟賀蘭氏不改尉遲固在改氏之列安遲爲安輶遲爲展皆去遲字與尉氏正同史家之以爲尉遲者或就其本初書之或後裔改復本姓如屈氏復爲屈

突之類史家未及深攷遂并先人而改之亦未可知不得據史以疑碑亦不得據碑以疑史也唐法苑法師碑吳國公尉綱之外孫單稱尉氏北齊有尉長命贈司空而姓纂列入尉遲亦一證也又有尉景善無人傳云秦漢置尉堠官其先有居此職者因以爲氏則不與尉遲同系姓纂失採史云代人而誌云河南洛陽人者魏太和十九年詔遷洛人死葬河南不得還北於是代人南遷者悉爲河南洛陽人故姓纂於尉氏郡望偁河南於尉遲氏偁河南洛陽唐尉遲迴碑亦加河南於姓氏之上

此誌同之誌云曾祖兜史作侯兜姓纂一作侯兜
一作侯兜古人雙名容或單舉一字見於史傳金
石者不少侯或侯之訛邪史言柱國大將軍太傅
長樂郡公諡曰定誌作太保爲異或先官太保後
贈太傅或以綱贈太保因而致誤俱未可知其不
言大將軍及封地諡號者略之耳誌敘綱之爵位
與史脗合其不言大將軍陝州總管及贈官諡法
者亦略之耳至安之官階誌言左光祿大夫史所
不詳史言鴻臚卿誌所不及史言左衛誌言左武
衛詳略不同均不得以碑疑史以史疑碑也北周

書以安爲綱之三子云安兄運運弟勤安弟敬
是運勤皆安之兄安次弟三北史以爲第二子殆
誤姓纂尉氏尉遲氏所載互殊尉氏下云後周長
公侯兜長下蓋脫樂字云綱後周大司空吳國公
生運安允安允安生耆福唐庫部員外既合運安
兄弟爲一人又遺勤敬而多允安與史不合迥傳
有迥從孫庫部員外郎耆福不詳何人之子不知
姓纂何據尉遲氏下云後有托哥拔五代孫乙乾
豆生侯兜祐兜樂生迥綱安允迥周太師大司馬
蜀公生寬順安隋鴻臚卿生耆壽綱大司空吳生

運運盧國公允生壽庫部員外案托哥拔當即托
奇枝哥奇枝拔形俱近似究不知孰是孰譌迺綱
爲兜之子何以言樂生安允爲綱之子何以亦言
樂生史亦無尉遲樂名舛錯顯然安生耆壽允生
壽亦恐有誤據史庫部員外名耆福不名壽也竊
意吳國公生運安允三子安生耆福尉氏條下誤
重衍允安二字耳或允爲勤與敬之改名或勤敬
之外綱尙有一子名允則無從揣測矣又疑乙乾
豆生侯兜祐兜侯兜長樂公生迺綱姓纂於樂字
上脫侯兜長三字樂字下脫公字又疑乙乾豆生

侯兜祐兜長樂公生迴綱乙紇豆三子姓纂於樂
字上下脫長公二字故此誌作兜也大司空吳之
下脫國公二字或脫一公字安允二字當在生運
之下安隋鴻臚卿生耆壽八字當在盧國公之下
孫淵如謂耆福當即允子安子名壽重出疑誤祥
謂上文生耆壽之壽疑福字之誤與尉氏條內合
此處允生壽或未必誤惟庫部員外四字當在上
文壽字之下孫氏以安子耆壽爲重出恐未必然
抑或尉氏條內本是允生耆福允字上下俱誤衍
安字此處允生壽之壽係耆字之誤而又脫一福

字邪史載迴子誼寬順惇祐五人姓纂只載寬順
知遺漏爲不少也因跋此碑附加校訂以俟博學
正之溫彌勤句跋清字庭訓嚴句疑亦有跋字閨
作閨載弄作予弄玉作禾姁娥作恒蛾皆誤係踵
當即曳踵餘不俱述

太僕卿元公墓誌銘

高一尺八寸廣一尺七寸七分卅七行
行卅七字字徑四分正書在武進陸氏

大隋故朝請大夫夷陵郡太守太僕卿元公之墓誌銘

君諱 字

智河南洛陽人魏昭成皇帝之後也軒邱

肇其得姓卜洛啓其興王道盛中原業光四表其後國
華民譽瓊萼瑤枝源派流分奮乎百世具諸史冊可略
言焉六世祖遵假節侍中撫軍大將軍尙書左僕射與
青兗豫徐州諸軍事兗州牧常山王高祖素假節征西
大將軍內都大官常山康王曾祖忠使持節散騎常持
鎮西大將軍相太二州刺史侍中尙書左僕射城陽宣
王祖暉使持節散騎常侍都督徐州諸軍事平東將軍
徐州刺史宗正卿父暉使持節侍中驃騎大將軍開府
儀同三司尙書左僕射華敷南秦并幽晉六州諸軍事
六州刺史司徒公樂平愼王維君幼挺奇資早飛令譽

識鎮表於觀虎風流見於乘羊落落高標排青松而獨
聳亭亭峻節映綠竹而俱貞吐納英風規雍容善諱令
通人仰其好仁僚友稱其季友於是聲譽流洽孟晉追
群周保定四季詔擢爲左給事中士禁內清切王事便
繁許史之親乃膺斯授金張之寵方降此榮陳力効官
獨高前代天和四季邊爲給事上士貴遊子弟實符束
哲之辭名士俊才不愆荀綽之記望袁准而高視顧蘇
林而載馳建德元季入爲主簿上士粵自居中遷于內
寢自非不言如子夏至慎若嗣宗豈能淋慎於否臧無
言於溫木三年二月轉爲掌式中士君清循疾惡正色

謫言簪筆自肅於擯豪霜簡不吐於強衛故已聲齊乳
虎号擬蒼鷹官得其人斯之謂矣五季四月以君姪正
幹賊遷爲司御上士時三方鼎足務在并兼阮物色賢
人且資順良馬五監三令未易其人宣政元季以軍功
封豫州之建寧縣男邑三百戶其年八月又錄晉陽之
僂加使持節儀同大將軍大象二年又仍舊封進爵爲
子擁茲絳節擬上將之儀苴以白茅開建國之社尋遷
少駕部下大夫晉金日磾以謹養致肥武帝擢之中監
百里侯以時使不暴穉公授以上卿望古儔今於茲爲
美開皇元年出爲益州武康郡太守公導之以德齊之

以禮田餘滯穗路有遺金又進爵爲伯轉儀同三司從
格例也兼彼躬珪輝煥五等服茲袞冕照映三台九年
授使持節狀州諸軍事狀州刺史十六年改授渝州諸
軍事渝州刺史公頻刺二州申威千里抑強而惠解寡
舉善而矜不能猾吏無所窺其情奸盜不能匿其跡

聖土慕承洪緒釐改刺史選任能官更授夷陵太守公
輒膺嘉舉弼勵清勤已祗暗居不官燭王閤獨坐不
發私書由是徵入爲太僕卿朝請大夫如故時達邊令
式贊弓矢摠駒駘之監長統昆之令丞駟駿加銳於
軍容犧牝備瞻於崇望方當控茲八駿加彼六龍登

栢梁而賦詩出上林而奉饗而晦明之疾既湊膏肓之
豎先侵大業九季扈從遠碣月日遘疾云亡薨于
懷遠之鎮春秋六十有四嗚呼哀哉廼以十一年太歲
乙亥八月辛酉朔廿四日葬于大興縣鄉

里禮也維公器局疏通神情秀上虛心以待物直已
以明義不吐不茹正色正言面刻有汲黯之風爭見
王陵之節既而出宰牧守人作卿士姦史惜其擿伏朝
庠挹其能官重以知止知足維清維慎家餘海陵之粟
既自足於餘梁室傳夏后之璜老無乏於珍玩至於殮
錢月給必均之於下吏祿俸歲受皆散之於親知斯乃

公孫宏之高風晏平仲之清規仁乎不憚嗚呼惜哉今
龜筮協從房腸行掩式鏤元石用作銘云

巖巖其趾浩浩其源極天比峻浴日同奔鳳生鳳穴龍
陟龍門煥爛珪璧郁馥蘭蓀

爰啓常山廼建王爵振振趾定犇犇跼執法南宮建
旗東岳袞黻委他蟬珥照灼

太僕瑤枝人之表儀六德孔備百行無虧止陵難越墻
仞莫窺仁爲己任清畏人知

執法主寢牧州典郡審審謙言洋洋泝問虎去雉馴風
和雨順政号廉平民稱惠訓

靈旗東指巡海稜威秉轡作僕方効乘機忽悲撤瑟俄
驚復綏龜謀空馘魚躍虛歸

飄飄反至眇冥陽魄永愴君蒿長悲宅窆蓋偃佢松鍾
攢拱栢茂德洪名永宣金石

案魏書官氏志托跋氏改爲元氏自云黃帝子昌意
之後居北土爲鮮卑官長昌意二十九代至昭成帝
什翼犍始號代王都雲中道武改號魏即尊號孝文
都洛改爲元氏北史魏宗室傳昭成皇帝九子次五
曰壽鳩常山王遵壽鳩之子道武初有佐命勳賜爵
谿陽公及平中山拜尙書右僕射加侍中領勃海之

合口及博陵勃海盜起遵討平之遷州牧封常山王
天賜四年坐醉亂失禮賜死遵子素太武初襲爵及
平統萬拜假節征西大將軍以鎮之復拜內都大官
雅性方正居官五十載終始如一時論賢之薨諡曰
康陪葬金陵配饗廟庭素子忠字仙德以忠謹聞孝
文時累遷右僕射賜爵城陽公加侍中鎮西將軍有
翼贊之勤百寮咸敬之太和四年卒諡曰宣忠子盛
始襲襲爵盛弟壽興宣武初爲徐州刺史王顯爲御
史中尉奏壽興怨謗朝廷賜死壽興自作墓銘曰洛
陽男子姓元名景有道無時其年不永及宣武崩顯

尋被殺靈太后臨朝詔雪壽興贈豫州刺史諡曰莊
壽興子最字幹從孝武入關封樂平王位侍中兼尙
書左僕射加特進太僕先世遵素忠最基諒與北史
合魏書略同壽興即昺李延壽撰北史避唐世祖諱
改昺爲景故曰姓元名景魏收書多亡關後人以北
史補之故仍唐諱魏書稱忠十七子盛字始興昺字
壽興既諱昺爲景遂稱字爲壽興也元和姓纂壽興
少子勛司徒樂平王生直直生文豪太僕少卿文豪
生思齊鄭州刺史思哲舒州刺史思元右領軍思元
生直南州刺史此志諱下空一格字下僅著一字曰

智樂平王生亶亶智義合太僕諱宜即亶矣此與子
孫名位皆可以姓纂補之姓纂誤最爲勛魏書並不
及最皆可以誌及北史補正之誌無曷贈諡可以史
補之城陽進王樂平諡愼史皆未及又可以誌補之
也太僕祖父厯官封爵之地如冀青兗豫徐相華敷
南秦并幽晉諸州常山城陽樂平諸郡並見魏書地
形志而不著太州唐書地理志北都太原太原郡本
并州武德三年以太谷祁置太州六年州廢二縣來
屬元和郡縣志隋改陽邑爲太谷縣因縣西太谷爲
名武德三年分并州之太谷祁二縣置太州六年省

太州復以二縣屬并州祁本漢舊縣武德三年改屬
太州太州之名昉此是刻稱忠爲相太二州刺史則
元魏時已有太州唐初建置或沿元魏而史志失載
歟隋大業九年癸酉春秋六十有四則生於西魏文
帝大統十六年庚午是歲梁簡文大寶元年齊文宣
天保元年至周高祖武帝保定四年甲申年十五擢
左給事中士天和四年己丑年二十遷給事上士是
歲周武封魏廣平公子元謙爲韓國公以紹魏後建
德元年壬辰年二十三入爲主寢上士三年甲午年
二十六轉掌式上士五年丙申年二十八遷司御上

士三方鼎足務在并兼爲陳齊也是年十月周伐齊取平陽十二月復伐齊拔晉陽六年丁酉正月入鄴

遂滅齊宣政

北史作正

元年戊戌年二十九以軍功封建

甯縣男邑二百戶加使持節儀同大將軍所謂錄晉

陽之役也是年六月武帝崩宣帝即位明年己亥二

月傳位太子闡是爲靜帝改元大象大象二年庚子

年三十一進爵建甯縣子遷少駑部下大夫大定元

年二月遜位於隋隋高祖文帝開皇元年辛丑年三

十二出爲益州武康郡太守

隋地理志梁州蜀郡舊爲益州統縣陽安西魏

改名并置武康郡開皇初郡廢據志則廢進爵爲伯

於開皇九年百官志下郡太守從弟四品

散縣伯從弟三品

封儀同三司

正五品

九年己酉年四十授使

持節扶州諸軍事扶州刺史

梁州同昌郡西魏置鄧州開皇七年改曰扶州

下州刺史

十六年丙辰年四十七改授渝州諸軍事

正四品

渝州刺史

梁州巴郡開皇時曰渝州煬帝大業三年丁卯年五十

有八四月改州爲郡誌云聖上

上石刻誤作土

纂承洪緒釐

改刺州更授夷陵太守

荊州夷陵郡上郡太守從弟三品

當在是年

其入爲太僕卿

正四品

年不可定朝請大夫

正五品

如故

者大業三年更定官制上柱國已下爲大夫廢伯子

男爵時已改儀同三司爲朝請大夫故云如故封爵

既廢故不題豫州建甯縣伯也太僕寺統驛驩左右

龍左右牝駝牛司羊乘黃車府等署駟駿犧牲習其所掌尙乘局有駟駮閑駟駮監長即謂此也大業九年三月煬帝討高麗四月度遼六月班師扈從遼碣薨於懷遠鎮當即其時營州有懷遠守捉城即其地也隋雍州京兆郡統縣二十二第一曰大興開皇三年置今爲西安府咸甯縣此與夫人姬氏誌石並於嘉慶初出土石完整無一字剝蝕所空十二字乃本未上石者文辭雅馴書法嚴傑北宗也而結體審正一洗南北朝纖俗之習世重歐虞於此爲先導矣予得拓本珍玩數十年并二石購得之以嘉慶二十二

年夏載之江左藏於家

金石續編

誌墓而闕其諱使後人無攷何也誌中聖主誤作聖
士餘梁誤作餘梁焄蒿誤作君蒿不□官燭統昆□
之令長□爭見王陵之節每句空一字卒之月日及
葬日甲子與所葬之鄉里皆空格不填蓋上石祭書
者無其人也房腸行掩用漢書霍光傳賜便房黃腸
題湊各一具注便房壙中室也黃腸柏棺也謝惠連
祭古冢文黃腸既毀便房已殯此云房腸二者合言
也

古誌

石華

右墓志三十七行行三十七字正書字徑三四分行

間有基格書法勁秀刻畫峻拔乃石刻中之妙品也
志言元公爲魏昭成皇帝之後六世祖遵常山王高
祖素常山康王曾祖忠城陽宣王並詳後魏書紀傳
惟忠賜爵稱城陽公而非王與此志不同自當以此
爲正其言祖曷厯官至都督宗正卿父最終司徒公
樂平愼王則皆不見於史忠傳言有十七子而止載
其一子暉後周書元偉傳亦云忠之曾孫祖盛封城
陽公父順封濮陽王皆與此不合蓋忠子眾多史家
記載漏略者不少也此志空其諱一字又空其字上
一字而以其厯官周隋二史及唐書諸元氏傳攷之

亦皆無所表見據志所署其上世後魏官爵惟內都
大官不見於官氏志餘略同又按魏書地形志言相
州天興二年置天平元年遷都改爲司州而太興敷
二州皆不見惟據隋書地理志上郡下云後魏置東
秦州後改爲北華州西魏改爲敷州而太州亦未詳
及又敘其在周自保定四年擢左給事中士天和四
年遷給事上士建德元年入爲主寢上士三年二月
轉掌式中士五年四月遷司御上士宣政元年以軍
功封豫州建甯縣男八月錄晉陽之役加使持節儀
同大將軍大象二年又仍舊封進爵爲子遷少駑部

下大夫攷後周官制僅附見隋書但言周太祖初據關內官名未改魏號及方隅粗定改朔章程命尙書令盧辯遠師周之建職置三公三孤六卿有內命外命之別及上大夫中大夫下大夫上士中士下士又言高祖又採後周之制所置有大將軍大將軍儀同三司等以酌勤勞如此志所云左給事中主寢掌式司御少駕部名目皆志所未詳也又攷本紀保定三年九月詔柱國楊忠率騎一萬與突厥伐齊四年春正月楊忠破齊長城至晉陽而還當即此志所云晉陽之役蓋元公與有功焉其敘入隋所歷之官

則云開皇元年出爲益州武康郡太守進爵爲伯轉
僕同三司九年授使持節扶州諸軍事扶州刺史十
六年改授渝州更授夷陵太守入爲太僕卿朝請大
夫大業九年扈從遼碣遺疾薨於懷遠之鎮攷隋書
地理志但有雍涼預充冀青徐揚荆九州云煬帝併
省諸州旋改爲郡此志所稱益州武康郡及扶州渝
州皆不列入攷魏書地形志有益州云正始中置者
並非其地此所謂益州武康郡者即蜀郡陽安也故
隋志於蜀郡下云舊置益州開皇初廢陽安下云西
魏置武康郡開皇初廢元公爲益州武康郡太守在

開皇元年其時尙未廢也又同昌郡下云魏逐吐谷
渾置鄧州開皇七年改曰扶州又巴郡下云梁置開
皇初改曰渝州按之墓志亦皆合其所謂扈從遼碣
者攷本紀大業九年三月幸遼東四月車駕度遼即
其事也隋志武陵靈郡懷遠下云後周仍立懷遠而
開皇三年即廢則此稱懷遠正是其所卒之地縣名
也石刻於字名既有關空又於其後不下官上及昆
下紫望上月日二字上皆空一字又廿四日下及鄉
上里上皆空二字又聖上之上誤刻作士彥式二字
俱有脫刻之筆元公卒於扈從中途月日或未得其

詳其鄉名里名亦或撰文時尙未定故空而未填至
名與字不當不知而亦皆空闕實所難解且犧牲備
於紫望似紫上並無闕字不當空又日既爲辛酉朔
則廿四日干支自當是甲申亦易知之者且夫人姬
氏同葬另有墓志有之意者元公夫人姬氏既已志
又不言其子或竟乏嗣此志之撰刻皆他人爲之經
理故有此錯脫諸病歟然書寫刊刻之精實可愛可
寶耳此刻及夫人姬氏二志石現藏毘陵陸氏聞其
游幕關中見土人掘土得之遂購以歸

古泉山館
金石文編

右太僕卿元公墓誌續編所跋詳之矣元和姓纂

生文豪太僕少卿直不言爲太僕卿續編謂元直
公當即是直然則姓纂所謂太僕少卿者或即直
之官位而誤屬諸其子并誤以爲少卿邪然不敢
斷也便繁即詩便蕃字蕃繁古通書庶艸蕃庶史
記宋微子世家作繁後漢書張衡傳亦用繁庶大
戴記爭鬪之獄繁矣漢書禮樂志作蕃左氏傳封
父之繁弱文選上林賦用作蕃弱注云蕃與繁古
字通准俗準字管子准壤險以爲平呂覽有准不
以平五經文字引字林准平也皆即準字袁准即
袁準字孝尼陽夏人官給事中侯即奚字孟子百

里奚史記秦本紀作侯左氏傳祁奚史記晉世家
作侯巴祇漢書作祗嘗爲揚州刺史以清貧著名
漢有兩王閔一爲魏郡元城人哀帝時爲中常侍
王莽篡位忌之出爲東都太守一爲吳人建武初
仕山陰令遷御史補陳留太守不交權貴公庭閒
寂人號王獨坐誌所用者蓋吳之王閔也百里侯
續編作奚飄飄續編作飄飄皆傳寫之譌刊刻時
當校正之君蒿卽禮焄蒿字君焄省文此與夫人
姬氏兩誌均爲家紹聞先生所藏咸豐年賊陷毘
陵屋宇燬敗石遂淪亡同治丁卯秋其孫彥甫大

令楠旋籍徧加搜覓越月始掘地得之殘損過半
後幅無存存廿七行行存廿字至五字不等且喜
且惜此本尙是嘉慶間所搨將五十年矣碑上右
角及下左角均印有武進陸氏藏石印記良足寶
貴

太僕卿元夫人姬氏誌

方一尺五寸二分二十七行行二十
七字字徑四分正書在武進陸氏

大隋故太僕卿夫人姬氏之誌

夫人姓姬也圖開赤雀文德暢於三兮瑞躍白魚

武功宣於五伐大封四十維城於是克昌長享七百本

枝以之蕃衍蟬連史策可略而言曾祖懿魏使持郎驛
騎大將軍東郡公祖亮魏使持郎大將軍開府儀同
三司燕州諸軍事燕州刺史東郡敬公父肇周使持郎
侍中驛騎大將軍開府儀同三司光祿大夫東秦州諸
軍事東秦州刺史勲晉絳建四州諸軍事勲州總管神
水郡開國公夫人幼挺聰慧早標婉淑資外照蕙
姓內芳既閑習於詩書且留建於筆研馬家高行終降
志於袁門曹氏淋姿且悅已於荀氏年十有八歸于元
氏焉太僕弱冠登朝盛播名德夫人亦虔恭內職憂在
進賢穆琴瑟之和展如賓之敬天和四年六月筭拜建

甯國夫人綸狀委他光膺典策衛珮昭晰肅拜朝榮於
是輔佐以審官自防以典禮送迎未嘗逾闕保傅然後
下堂既而五福先虧六氣多爽青要素序奄搖落於禮
華玉露金風竟摧殘於蘭蕙建德六年六月九日遘疾
云亡時年廿有九嗚呼哀哉以今大業十一年太歲乙
亥八月辛酉朔廿四日甲申合葬于大興縣 鄉之

里禮也昔三春之俱秀獨掩翠而先訣今百年而
偕謝始同歸於共穴罷金鏤而長埋掩銅窓而永閉嗚
呼痛矣乃作銘云

帝嚳肇祖君稷分枝上觀星象下相土宜葉隆在鎬仁

盛遷岐三讓至德九錫光施

驃騎誠烈早飛聲聞擁茲絳卽大啓東郡開府堂堂忘
情意溫神水恂恂劬勞惠訓

有泚其德音容不迴星光東楚春芳標梅六珈照日百
兩驚雷鳳飛金帳龍翔玉臺

典箴纔臨瑟琴方睦猶垂翠帳忽辭華屋揮篴笛挂巾
齒餘馥志沮旦疰神傷畫哭

昔日體齊早別春閨今茲合羣還共塵泥雙鳥輓隻兩
劍終齊千秋萬歲永誌貞妻

案姬氏東郡神水三世史皆無傳魏書北史並載姬

澹字世雅信義將軍樓煩侯以勇績著名桓帝穆帝
並見委任爲羣情所附附見衛操列傳或即東郡之
先歟操傳北史仍魏書魏書多采晉光熙中大邳城
碑刻姬氏此志足補二史之遺隋地理志絳郡稷山
縣有後周勳州置總管後改絳州長平郡舊曰建州
後改澤州又延安臨真縣有西魏神水郡後周郡廢
周建德六年丁酉夫人年二十九則生於西魏大統
十五年己巳長太僕一歲是歲梁武帝太清三年東
魏孝靜帝武定七年年十八歸於元氏爲周天和元
年四年太僕遷給事上士簡拜建甯國夫人時年二

十有一兩誌皆不及子姓猶見唐以前文律謹嚴自唐以後并諛生者矣此書整逸端妙與太僕誌銘可

稱雙璧

金石
續編

夫人先太僕三十九年而卒至是始得合葬誌不言其有無子息何也蕙性誤作蕙姓晝哭誤作晝哭夫人姬氏下二字所葬之鄉里亦闕而未填

古誌
石壘

性姓同音假借未可遽以爲誤金石文字中多有之籀古文冊狄狄之誤珮珮之誤迴回之或體馥馥之俗別塋葬之別體前跋皆未及也此石亦湮沒而復出殘損甚於太僕志僅存八十餘字年月

姓名俱不可見余所得尙舊拓也

玉泉寺鐵鑊題字

高連足二尺五寸口徑三尺七寸廿五行行一二
三字不等字徑一寸三分陽文在當陽玉泉寺

隋大業十一年歲次乙亥十一月十八日當陽縣治下
李慧達建造鑊一口用鐵今秤三千斤求充玉泉道場
供養伯達譯俗生

文四十四字環鑊過半又五字在後均列腹外當
即當字隋書地理志當陽屬南郡

八瓊室金石補正卷二十七終